



## Concello de Vigo

### YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

**C E R T I F I C O:** Que a Xunta de Goberno Local, na **sesión ordinaria do 16 de marzo de 2023**, adoptou o seguinte acordo:

#### **8.- RECURSOS DE REPOSICIÓN INTERPOSTOS CONTRA O ACORDO DA XUNTA DE GOBERNO LOCAL DE APROBACIÓN DAS BASES REGULADORAS PARA A CONCESIÓN DE AXUDAS MUNICIPAIS A FAMILIAS CON FILLOS E FILLAS EN ENSINO OBRIGATORIO. EXPTE. 26298/332.**

##### **b) RECURSO DE REPOSICIÓN INTERPOSTO POR ANGEL ANDRES CALVO SANTOS.**

Dáse conta do informe-proposta de data 10/03/2023, asinado pola xefa do Servizo de Educación e o concelleiro-delegado de Área, que di o seguinte:

##### ANTECEDENTES

1.- O 24/11/2022 a Xunta de Goberno Local adoptou os seguintes acordos:

- Aprobar o gasto por importe total de 5.200.000,00 (cinco millóns douscentos mil) euros, que se imputarán con cargo á aplicación orzamentaria 3260.480.0002 "Plan extr. axudas familias fillos escolarizados" dos orzamentos xerais do Concello de Vigo do exercicio orzamentario do ano 2022.

- Aprobar a Convocatoria, o Extracto da mesma e as Bases Reguladoras para a concesión de axudas municipais a familias con fillos e fillas en ensino obrigatorio, que se achegan no expediente.

- Publicar, unha vez aprobadas, a Convocatoria e as Bases Reguladoras para a concesión de axudas municipais a familias con fillos e fillas en ensino obrigatorio.

2.- As referidas bases foron publicadas no Boletín Oficial da Provincia de Pontevedra (BOPPO) núm. 228, de 29 de novembro de 2022.

3.- O 02/02/2023 don Angel Andrés Calvo Santos interpón recurso de reposición (doc 230033338) contra o acordo da XGL sobre aprobación das Bases Reguladoras para a concesión de axudas municipais a familias con fillos e fillas en ensino obrigatorio.

##### FUNDAMENTOS DE DEREITO

###### I. Normativa de aplicación:

- Lei 39/2015, de 1 de outubro, do Procedemento Administrativo Común (LPAC).
- Lei 7/1985, do 2 de abril Reguladora das Bases de Réxime Local (LRBRL).
- Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (ROF).
- Lei 38/2003, de 17 de novembro, xeral de subvencións (LXS).
- Lei 9/2007, de 13 de xuño, de Subvencións de Galicia (LSG).



Copia do documento - Concello de Vigo	Data impresión: 03/07/2024 16:39	Páxina 1 de 3
SUBVENCIONS	CSV: A1AA53-B6A249-B7CF53-SHMY7Z-J89CC6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

## II. Recurso de reposición:

A persoa interesada interpuxo o recurso de reposición o día 2 de febreiro de 2023 contra o acordo de 24/11/2022 da Xunta de Goberno Local de aprobación das Bases Reguladoras para a concesión de axudas municipais a familias con fillos e fillas en ensino obrigatorio. As ditas bases foron publicadas no Boletín Oficial da Provincia de Pontevedra (BOPPO) núm. 228, de 29 de novembro de 2022.

A primeira cuestión é analizar se concorren na interposición deste recurso os requisitos que son presuposto para a súa admisión a trámite. A admisión require a concorrencia dos requisitos de competencia, lexitimación e formulación en prazo, de tal xeito que a falta non subsanable dun deles determinará a declaración de inadmisibilidade do recurso.

A teor do disposto no artigo 124.1 da LPAC non se dá cumprimento ao requisito de interposición do recurso de reposición en tempo e forma: *"El plazo para la interposición del recurso de reposición será de un mes, si el acto fuera expreso. Transcurrido dicho plazo, únicamente podrá interponerse recurso contencioso-administrativo, sin perjuicio, en su caso, de la procedencia del recurso extraordinario de revisión."*

O artigo 30 da citada LPAC regula o cómputo dos prazos establecendo no apartado 4 deste artigo que *"Si el plazo se fija en meses o años, éstos se computarán a partir del día siguiente a aquel en que tenga lugar la notificación o publicación del acto de que se trate, o desde el siguiente a aquel en que se produzca la estimación o desestimación por silencio administrativo."*

*El plazo concluirá el mismo día en que se produjo la notificación, publicación o silencio administrativo en el mes o el año de vencimiento. Si en el mes de vencimiento no hubiera día equivalente a aquel en que comienza el cómputo, se entenderá que el plazo expira el último día del mes."*

O criterio xurisprudencial sobre os prazos contense, entre outras, na Sentenza do Tribunal Supremo de 26 de setembro de 2000 ao sinalar que:

"Es doctrina mayoritaria y, en todo caso, actual de este Tribunal Supremo que (a fin de que no se compute dos veces una misma fecha) el plazo se cuenta desde el día siguiente a la notificación de la resolución que se pretende recurrir y termina el día en que se cumple el mes pero contado desde la misma fecha de la notificación. (Sentencias del Tribunal Supremo de 24 de marzo de 1999, 25 de octubre de 1995 y todas las en ella citadas; de 9 de enero de 1991 y de 18 de febrero de 1994; y auto de 30 de octubre de 1990)."

Por conseguinte, o prazo para a interposición do recurso rematou o 29 de decembro de 2022.

En base ao exposto, ao ser presentado o recurso fóra do prazo de un mes dende a publicación procede resolver a súa inadmisión a trámite

## IV . Órgano competente:

O órgano competente é a Xunta de Goberno Local en canto a competencia para resolver o recurso de reposición corresponde ao órgano que ditou o acto impugnado.

Por todo o exposto, e de conformidade co disposto no artigo 123 da Lei 39/2015 do procedemento administrativo común das Administracións Públicas propónse á Xunta de Goberno Local a adopción do seguinte acordo:

**Primeiro.-** Declarar a inadmisibilidade do recurso de reposición interposto por don Ángel Andrés Calvo Santos contra o acordo da Xunta de Goberno Local de 24 de novembro de 2022 polo que se aproban as Bases Reguladoras para a concesión de axudas municipais a familias con fillos e fillas en ensino obrigatorio, ao ter sido interposto fóra do prazo legalmente establecido.

**Terceiro.-** Notificar as persoas interesadas o presente acordo, informándolle/s que contra o mesmo cabe a interposición de recurso contencioso-administrativo ante o Xulgado do



Copia do documento - Concello de Vigo	Data impresión: 03/07/2024 16:39	Páxina 2 de 3
SUBVENCIONS	CSV: A1AA53-B6A249-B7CF53-SHMY7Z-J89CC6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

contencioso-administrativo de Vigo no prazo de dous meses a contar desde o día seguinte á recepción da presente notificación.

### **ACORDO**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.  
O ALCALDE,  
Abel Caballero Álvarez.



Copia do documento - Concello de Vigo	Data impresión: 03/07/2024 16:39	Páxina 3 de 3
SUBVENCIONS	CSV: A1AA53-B6A249-B7CF53-SHMY7Z-J89CC6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		